



GIUSEPPE CABIZZOSU

BIBLIOTECA

www.giuseppcabizzosu.it

Priamo Arca

(Abbasanta 19?? -)

Poesie scelte in lingua sarda



GIUSEPPE CABIZZOSU
BIBLIOTECA
www.giusepecabizzosu.it

Priamo Arca

(Abbasanta 19?? -)

Poesie scelte
in lingua sarda



GIUSEPPE CABIZZOSU
BIBLIOTECA
www.giuseppecabizzosu.it

Priamo Arca

(Abbasanta 19?? -)

Priamo Arca è di Abbasanta, da diverso tempo emigrato a Pinerolo nel Piemonte.

Poesie di Priamo Arca

Su meriagu

1° premio sezione a - XIX edizione del premio poesia sarda delle ACLI della Sardegna

Cando, sutta su pesu 'e sos beranos
s'omine lassat impreos e fadigas,
si chircat tando personas amigas
pro passar'ora, tra sos anzianios.
E forman una bella cumpagnia
de animas istraccas ma serenas,
de gana 'e vivere ancora pianas
unidas contr'a sa malinconia.
Bènin da ogni parte de sa idda
saludan e fritzadas bi aggiunghen,
e bogan, cando cun sa limba punghen,
de su fogu antigu un'ischintidda.
Dogni die s'incontran puntuales
a narrer contos de sa gioventude,
cando, fortes che roccas, in salute,
non connoschian dolores e ne males.
Cantas dies e nottes an passadu
gherrende che isciaos pro sa vida!
Un'esistentzia 'e lottas infinida,
cantu suore salidu an fuliadu!
Como nachi est s'ora 'e su riposu
e gosare sa "cara" pensione,
ma cando ch'est derutta sa persone
tra males e fastizos non b'at gosu.
Capitat chi unu isparit improvvisu,
non torrat ne rispondet a s'appellu!
E gai si riduet su drapellu:
Un'ateru ch'est boladu in Paradisu!
Faghen issaras pàsidos cummentos:
"De cale classe fit e cantos annos
che fit in pensione, sentz'affannos
e disizosu ancora de cuntentos!"
Gai su tempus sighin'a passare
de fattos paesanos faeddende,
contende faulas e ischertziende
sètzidos in cuss'umbra a meriare.
Oh Deus, faghe chi rian ancora
ca sa vida gherradu an bastante,
dònalis pagh'e salute bundante
fin'a cando pro tottus benit s'ora!